

Хайр-эхсон қилиб туриш



19:41 / 21.09.2019 3217

Савдогарларнинг одобларидан бири савдо молдан хайр-эхсон қилиб туришдир.

يَمَسُّنَ هَلْ لَ لُؤْسَرْدَعِ فِي أَنْكَ : لَأَقُ هُنَّ عُلْ لَ لَ اِيضَرَّةَزَغِ يَبَّأَنْبِ سَيَقُ نَع
رَشْغَمِ أَي : لَأَقُ فُ هُنَّ نَسْحُ أُوهُ مَسَابِ اِنَّمَسَفِ ، اِي بَّنْ لَ اِن بَّرَمَفِ ، دَرَسَامَّ سَلِ ا
بَّأَحْ صَأْ هَأَوْر . «ةَقَدَّصَلِ اِبُّ هُوْبُ وُشَفِ ، فَلَ حَلِ اُو وُغَلِ لَ اُ هُرْضَحَيَّ عَيَّ بَلِ اِن اِن اِرَّاجُّ تَلِ ا
نَّ سَلِ ا

Қайс ибн Абу Фарза розияллоху анҳудан ривоят қилинади:

«Расулуллоҳ соллаллоҳу алайҳи васалламнинг даврларида даллол деб номланар эдик. Набий соллаллоҳу алайҳи васаллам бизнинг олдимиздан ўтдилар ва бизларни ундан яхшироқ исм билан номладилар: «Эй тожирлар жамоаси! Албатта, савдода беҳуда

нарса ва қасам ҳозир бўлади. Бас, уни садақа ила аралаштиринглар», дедилар».

«Сунан» эгалари ривоят қилишган.

Тожирлар иш давомида билиб-билмай турли беҳуда гап-сўзларни айтиб ёки ишларни қилиб қўйишлари, ҳатто қасам ичишлари ҳам мумкин. Шунинг учун улар тез-тез садақа бериб туришлари, яъни бу ишларини ювиб туришлари керак.

Яхшилаб эслаб қолиш керакки, мазкур садақа фақатгина беҳуда гап-сўз ва қасамлар эътиборидан, холос. Тожирнинг қилган садақаси унинг алдамчилигини, ҳаромхўрлигини ювиб юбормайди. Бу ҳақиқатни ҳар бир тожир яхши англаб етмоғи зарур.

«Бозор ва унга боғлиқ масалалар» китобидан